

սուգ էին անում, դնացողների (մեռնողների) ցաւը մնացողներինը համարելով» (Ա. 11) :

Աւելի մանրամասն է եւ յուզիչ Փառանձեմ տիկնոջ սուգը իր երիտասարդ ու սիրասուն ամուսին Գնէլի համար, որին սպաննել էր տուել իր հօրեղբայր Արշակ թագաւորը, տախալով Փառանձեմին եւ անսալով իր միւս եղբորորդի Տիրիթի քսութեանց (Գ. 15) : Արշակ մի առ ժամ ծածկում է իր յետին միտքը Փառանձեմի հանդէպ, հրաման է արձակում, որ ամէնքը ներկայ իննին Գնէլի թաղման : «Բանակում եղած բոլոր մարդիկ, մեծ թէ փոքր առհասարակ՝ ո՛չ ոք չհամարձակի չերթալ : Ամէնքը անխտիր պարտաւոր են զալ եւ սուգ ու կոծ անել, լալ ու ողբալ Արշակունի Սեպուհ՝ ըստ պաննուած Գնէլի համար» : Պատմիչը շարունակում է անմիջապէս : «**Թագաւորը ի՛նքը եւս** զնաց (խառնուեցաւ) լացողների մէջ, նստաւ եւ սգաց իր եղբորորդի Գնէլին, որին ի՛նքը սպաննել էր : Գնաց նստաւ դիակի մօտ, լացաւ եւ հրաման տուաւ (միեւնոյն ժամանակ), որ սպաննուածի դիակի շուրջը մեծ կոծ եւ սուգ կատարեն : Սպաննելի կինը, Փառանձեմ, պատառ-պատառ անելով հանդերձները, ծամերը արձակելով եւ կուրծքը մերկացնելով՝ ողբուկոծ էր անում սուգի մէջ : Զայնը բարձրացնելով ճշում էր եւ ողբ ու արտասուքի մէջ **ընկրգմուած**, իր աղիոզորմ սուգով՝ անխտիր բոլորին լացացնում էր» :

Դեռ Փառանձեմի սուգը չվերջացած, շարունակում է Փաւստոս (այսինքն՝ հայ-պատմական գեղեցիկ զրոյցը), դեռ անմիթար տիկինը իր սիրած ամուսնու դիակի առջեւ կեցած, մի կողմից Արշակ թագաւորը «տոփէր եւ ակն զնէր՝ առնուլ զնա իւր կնութեան», իսկ միւս կողմից՝ «Տիրիթն սկսանէր, ժոյժ չունելոյ տախանացն : Պատգամ յղէր առ կին մեռելոյն (եւ) ասէ՝ «Մի՛ կարի զանձն քո աշխատ առներ այդչափ, զի այր բարի ես եմ քան զնա : Ես սիրեցի զքեզ, վասն այսորիկ մատնեցի զնա ի մահ, զի զքեզ առից ինձ կնութեան» :

Փառանձեմի ողբերգութիւնը աւելի եւս խորանում է եւ անյոյս դառնում : «Մինչ սրգուորները դիակի շուրջը բոլորած՝ չտեսնուած վշտով կոծ էին անում, ահա այդպիսի առա-

ջարկ ուղարկեց Տիրիթ : Ուստի եւ բողոք բարձրացրեց (Փառանձեմ) եւ կանչեց .

«Լսեցէ՛ք ամէնքդ . իմ մարդուս մահը՝ իմ պատճառով եղաւ . նա որ աչք էր դրել վրաս, նա՛ է սպաննել տուել ամուսինս» : Ու փետում էր մաղերը, ճիչ արձակում, կոծում միեւնոյն ժամանակ» :

Փառանձեմի սուգը իր ամուսնու դիակի շուրջը՝ աւելի եւս սրտաճմլիկ կերպարանք է առնում : «Երբ այդ անտոյր բանը ամէնքի աւանջն է հասնում որոշապէս», շարունակում է պատմական զրոյցը Փաւստոսի դրչի տակ, «եբբ այդ բանը լսում են բոլոր սգուորները «ձայնարկունքն»), այն ժամանակ՝ Փառանձեմ եղերամայր (մայր ողբոցն») է դառնում, սրգուորներն ամէնքը մէկ սկսում են ողբաձայն նուազել Տիրիթի տախանքի պատմութիւնը, նրա աչք զնելը, քսութիւնը, սպանութեան հրանքներ նիւթելը : Ամէնքը միասին՝ գեղդեղեալ խանդաղատութեամբ եւ մրմունջի ձայներով, ողբ ու կոծով պատմում են սպանութեան դէպքը : Երբ նոցա ձայները մարում են, պատահած դէպքը յայտնի է դառնում ամէնքին : Իսկ Արշակ թագաւորը լսելով եւ վերահասու լինելով իրողութեան, զարմանում է, շատ զարմանում այդ բանի վրայ եւ սարսափում : Զղջում է կատարուածի համար, իր հոգու մէջ : Ոտել է սկսում թագաւորը, իր իսկ գործած բանի համար զղջում եւ մի ափով միւսին զարնելով ասում .

«Որովհետեւ Տիրիթը անարժան սէր տաճեց դէպի Գնէլի կինը, այդ իսկ պատճառով՝ նորա դէմ չարիք եւ քսութիւն նիւթեց, զուր եւ տարապարտ մահուան ոխ ու թշնամութիւն : Եւ այդպէս, նա մեզ եւս շաղախեց արդար արեան մէջ, իր սղծութեան պատճառով : Նա սպաննել տուաւ իր եղբորը եւ միեւնոյն ժամանակ ժառանգութիւն թողեց մեզ մի այնպիսի անհնարին չարիք եւ անէճք, որ երբեք վերանալ չի կարող» :

Անէճքը իսկապէս որ չի վերանում արքայի վրայից, Տիրիթին սպաննել տալուց յետոյ եւս :

Հեթանոսական ուրիշ սովորութիւններ եւս յիշատակում է Փաւստոս : Արդէն ի՛նքն է ասում (Գ., 3) .

«Դեռ մինչեւ այն ժամանակները՝ շատերը